

Namołwa k wólbam 2. Serbskeho sejma

Lube serbske sotry a lubi serbscy bratřa!

Namołwjamy Was jako wolerki a wolerjow kaž tež jako kandidatki a kandidatow, wólby 2. Serbskeho sejma podpěrać.

Jako lud měli wšitke demokratiske srědki wužiwać, zo bychmy zamołwitosć za zdźerženje, wozrodženje a dalewuwiće našeje rěče, kultury a identity přewzali a sami so wo to postarali. Parlament, kiž wuchadźa z bjezposrědnych, swobodnych, jenakich a tajnych wólbow, je demokratisce legitimowane zastupnistwo cyłeho serbskeho ludu. Móže so mójnje a njeprěslyšomnje za prawa wšěch Serbowkow a Serbow zasadźeć. Parlament, Serbski sejm, móhl nam puć rubać, zo přewzamy wyšnostne nadawki, kiž su nam dotal zapowědźene. Tuž stanje so mnohostronka džěławosć wšitkich, kiž so w našich iniciatiwach, institucijach, kubłanišćach, towarstwach a tež w našim třěšnym zwjazku Domowina angažuja, samopostajena a do přichoda nošna.

Runje w šulstwje dožiwjamy přestapjenja a bjezmóćnosć hladajo na dwělomne rozsudy, kiž kubłanje našich džěćí a našeje młodžiny pohubjejša. Wužadanja, před kotrymiž naše šule steja, su hoberske: Dvě rěči na najwyšim niwowje nawuknyć – našu swójsku serbsku a němsku – žada sej dale wjeduce, fleksibelne a wotpowědnym šulam přiměřjene rozsudy. Je na času tutón nadawk do swójskich rukow wzać. Samopostajene a samorjadowane kubłanje we wobłuku serbskeje zjawnoprawniskeje korporacije je puć, kotryž měli z pomocu Serbskeho sejma a w dialogu ze serbskimi a němskimi zamołwitými nastupić. Tuta ideja bu zhromadnje z fachowčami a fachowcami zjawneho prawa kaž tež prawa ludow a ministerstwami wuwita a čaka na swoje zwoprawdženje.

Wólby 2. Serbskeho sejma skića wulku šansu, parlament nastajić šěršo a sylnišo hač dotal, přewinyć stare hrjebje a so z nowej mocu podać do wjele lubjaceho přichoda našeho ludu.

Wužiwajmy zhromadnje tutu šansu!

Nětko hač do 27.02.2025 so online za listowe wólby registrować. Wšitke informacije pod www.serbski-sejm-2024.de.

Dary za wudawki: www.serbski-sejm.de/hs/dary.html

Pódpisarki a pódpisarje / Podpisarki a podpisarjo / Unterzeichnerinnen und Unterzeichner

Tomaš Rječka, předewzaćel
Marko Suchy, něhdyšī direktor Załožby za serbski lud
dr. Christiana Piniekowa, sorabistka a spisowaćelka
dr. Grit Lemke, režiserka a awtorka
dr. Viktor Zakar, pšestajař a publicist
Hella Stoleccyc, twórjeca wuměłcowka
Róža Domašcyna, basnica
Benedikt Dyrlich, spisowaćel a žurnalist
Reiner Nagel, filmowc
dr. Pětr Kroh, wnučk a biograf Jana Skale
Lutz Hillmann, dźiwadłowy intendant
Hanka Jenčec, dźiwadłowa dramaturgowka
Alexander Pólk, muzeologa a čestnohamtski organist
Wolfgang Krause, Krabat-předstajer a posoł Łužicy
Ludmilla Budarjowa, sorabistka a publicistka
Alfons Wićaz, žurnalist
Maja Nagel, wuměłča a filmowča
Pawoł Rota, bywši serbski wučer
Jens Zahrodnik, předewzaćel a wjesny předstejićer
dr. Pětr Wjacławk, lékař na wuměniku
Matthias Körner, spisowaćel a swobodny rozhłosownik
Křesćan Krawc, spisowaćel
Cosima Stracke-Nawka, wuměnkarka
Tomasz Nawka, něhdyšī direktor Serbskeho muzeja
dr. Arnošt Wirth, lékař n. w.
dr. Měrcin Wałda, kulturny wědomostnik